

تاریخ عثمانی انجمنی

۱ شباط
۱۳۳۴

کرنجی سنه
نومرو ۴۸

مجموعہ سی

سنجاغمز و آی ییلدیز نقشی

[بکن نسخه دن مابعد]

بیراقلرینک رنکسندن طولانی سلحیدارلره (صاری بیراق)، سپاهیلره
(قرمزی بیراق) نامی ویریلوردی [۱].
(ترکیا قیافت عسکریه سی) نام کتابک یکرمی برنجی پلاننده النده
اوجی بیراقلی مزراق طوتان برسپاهی تصویرنده بایراغک یالکز برهلالی
حاوی اولدینی کوریلور [۲]. کذا محمود شوکت پاشا کتابنده «قبو
قولی سواریسندن» (بلوکات اربعه) تسمیه اولنان صاغ وصول علوفه جیلرله
صاغ وصول غربا بلوکلری (*) رقلی شکل ایله کوستلرله یکی وجهله
یشیل و بیاض یوللو/ر بیراق چکرلر ایدی. بوبلوکلره (آلاجه بیراق)
تسمیه اولنمی بیراقلرینک شوالده اولسندن ایلر و گلشدر، دنیلمکده
ایسه ده [۳] سلطان سلیمانک بحارستان سفینه ادرنه دن دبده عظیمه
ایله حرکتی تفصیلاً یازان سنان چاوشک تاریخندن اجمالاً مورخ
هاممردک روایتیه کوره علوفه جیان یمینک بایراقلری یشیل، علوفه جیان
یسارک بیراقلری یشیل و بیاض چبوقلی، غربای یمین بلوکی بیرانغی بیاض
و غربای یسار بلوکنک بیرانغی ده بیاض و قرمزی چبوقلیدر [۴].
عسکری بیراقلر حقده بورایه قدر ویردیکمز معلومات مجرد هلالک
اورخان غازی زمانندن اعتباراً بیراقلره کچیرلش اولسنی ایضاح ایچوندور.

[۱] (عثمانلی تشکیلات و قیافت عسکریه سی)، ص (۳۹)

[۲] سلطان محمدخان خامس حضرتلری طرف عالیندن موزه مایون کتبخانه سته
اهدا و احسان یوریلان کتب معتبره میانده: The military costum of Turkey

[۳] (عثمانلی تشکیلات و قیافت عسکریه سی)، صحیفه (۴۰)

[۴] عطابک ترجمه سی - هاممرد، ج (۵)، ص (۲۴۳)

هلالی حاوی بیراقلرک انواعی عکری موزم سنده کوریله ییلیر . عطا تاریخنده « بدایت سلطنت سینه ده قونیه دن کوندریلان بیاض سنجاغ لوای عثمانی اتخاذا بیورلش ایسه ده مراد خان اولک یشیله و محمد خان اولک قرمرزی به تحویل ایتدکلری مرویدره دنیلیمکده در [۱] . بور وایتده ایکی سهو وارددر . برنجیسی، لواء عثمانی بی مراد خان اولک یشیله تبدیل ایلدیکی؛ ایکنجیسی، چلبی سلطان محمد خانک قرمرزی به تحویل ایلیدر . بوسیله براییکی فقره تاریخیه کوسرملک لازم کلسدر . مطبوع تاج التواریخه مذیل سلیمنامه ده مندرج فقراتدن برنده سرای آغاسی حسن آغانک بر رؤیاسیده مندرجدر . حسن آغا رؤیاسنی نقل ایدرکن شو جمله لریده سوبلیور: « قویه قریب درت نورانی کسه طورر اللرنده سنجاغ وار دق باب ایدنک الله پادشاهک آق سنجاغنی طومش طورر بکا ایتدیکه ییلورمیز نیه کلدک » . آق سنجاغک سلطان سلیم خان اول زماننده موجودیتنی و بشقه بررنکه کیرمدیکی حسن آغا سوبلیور .

سلطان سلیم قاهره نك ضبطدن صکره « سلطان سلیم خان حضرتلری اوهنگامده (منیل - روضه) جزیره سنده قوریلان اوطاغ هایونه عودتله بری عثمانیلرک سیف مسلول جلادتنه علوی بر نشانه خونین دیگرى فضائل فتوتلرینه پاک بر حجت یقین اولق اوزره قرمرزی و بیاض رنککرده اوطاغ هایونک قپوسنه رکز اولتان ایکی لوای نصرت عفو و امانک ... » [۲]

شوفقرده دخی کوریلورکه آق سنجاغ تبدیل ایدلامشدر . اورخان غازینک قرمرزی سنجاغیده آنک اشدیر .

عثمان و اورخان غازى زمانلرنده قرمرزی حرب بایراغی کشیده ایدلدیکی اولجه بیان و اثبات ایدلشدی . شیخ الاسلام معلم سلطانی و مورخ

[۱] عطا تاریخی، ج (۱)، ص (۷)

[۲] محسن بکک (افریقا دلیل) نامنده کی مصر تاریخنندن، ص (۶۶۴)

مشہور سمدالدین افندی مرحوم زمان اورخانیدہ قرمزی سنجاغک موجودیتہ قائل اولیور [۱]۔

مطبوع عاشق پاشا زادہ تاریختہ کرمان اوغلی طرفندن ایلمچی کوندریلان اسحق فقیہ «مراد خان غازی بہ کلدی ابو آتلی پیشکش کتیردی اول زمانده آلتون، کوش، قاش آزلوردی (طوکوزلی) ده آق علملو بزر اولوردی خلعت آنی کیدرلوردی صیرق تکلہ دیکرلوردی آلا شہر قزیل افلادین سنجاق ایدرلوردی، [۲] دنیلکده در۔

خداوندکار غازی قوصوہ محاربہ سنہ کیدرکن «کوچک مورواو ایرماغنی ابتدا صدراعظم علی پاشا بعدہ ... بعدہ حضرت خداوندکار طاق طاق عسکرلرلہ کجوب کوش حصاری النہ برقاق بیک قرمزی علملر آجوب طبول و تقارہ چالدیروب ...» [۳]

شوصوک ایکی وثیقہ دن عہد مراد خانیدہ دخی قرمزی بیراقلر قوللانلینفی آکلاشیلیور۔ دولت علیہ وہ احداث بیوریلان بیراقلرک کافہ سی اساس اعتباریلہ بیاض، قرمزی، یشیل و صرمہ رنگی اولان ہاری رنگدن عبارتدرکہ بیاضی آق سنجاقدن سائر رنگلر اورخان غازی سنجاغندن آئمشدر۔ ہلال یالکز اہمیتلیرینہ قونیلوب سردن یکدی - کوکللو ودلیل بیراقلری کہی کوچک بیراقلرہ وضع ایدلما مشدر۔ بوبیخی تطویلہ باعث اولان کیفیت خطای مزبور عطا تاریختدن (رسمی وخریطہ لی عثمانی تاریختہ) آئندہ (مدنیت اسلامیہ تاریخی) ایلہ (عثمانی تشکیلات و قیافت عسکریہ سی) نام تاریخلرہ انتقال ایلہ انتشار ایتکده

[۱] تاج التواریخ، ج (۱) ص، (۵۱)

[۲] مطبوع عاشق پاشا زادہ تاریخی، صفیہ (۵۶)

[۳] خیراللہ افندی تاریخی، ج (۴)، ص (۸۶)

[۴] مذکور کتاب، ص (۳۸)

بولنسی (هلال وقارتال) سرنامه سیله یکی مجموعه یه کچیرلش بر بندکده محتویاتیه آکلاشلمقده اولمیدر [۱] .

واقما یشیل رنگلی بر سنجاغک موجودیتیه روایت ایدیلیور . ظن عاجزانه کوره مذکور سنجاغک استانبولک فتحی و علمدار رسول الله ابی ایوب انصاری قبر شریفک کشفی متعاقب سکّه سیه لریته (سلطان البرین و خاقان البحرین) عنواتی کچیرتن حضرت فاتحک رکوب هایونه مخصوص خنکار کیسک آرقه سنه کیده ایدلمک اوزره احداث ایدلمشدر . مذکور کینک تکنه سی ، دیرکری و کورکری یشیل رنگلی اولدینی مثللو آرقه سنه کی بیراغکده یشیل رنگلی اولدینی اولجه یازلمشیدی . سلاطینک خنکار کیسک را کب اولدقلمری زمان آرقه دیرکه یشیل بیراق غراندی دیرکنه بیوک قطعه ده اورتی طغرای هایون ایله مزین آق سنجاغک کیده ایدلیدیکی ایوم طوبقو سرای هایونی امانت خزینه سنه محفوظ سلطان مراد خان ثالث حضرتلریته مخصوص بویولده بر سنجاغک موجودیتیه آکلاشلمقده در . مزبور یشیل سنجاغده اورخان غازی سنجاغنده کی یشیل بیاض قسمی عموم سنجاغه تشبیل ایله سنجاغک اورتی سنه بته سلطان مشارالیه سنجاغنی آکدیرمق اوزره بیضی یه قریب بر نقش تشکیل ایدن مجتمع اوچ هلال نقشی قولمیشدر . مذکور نقش قدیم دیرو تزیینات معماریه ده قوللانلدیغندن عنایلیلر طرفندن احداث ایدلش بر نقش دکلدر . بلکه آنی ایلمک دفعه استانبولک فتحندن سکره کوردمشدر . والحاصل مجتمع اوچ هلال نقشی فاتح مشار الیهک بر سکسنده کچیرلمشدر [۲] .

دوئمای هایون فاتح عصرنده دخی قرمزلی سنجاغ چکرلردی .

[۱] هفته لی رسائلدن (یکی مجموعه) نک (۶۶) نجی صاپسی ص (۲۷۶)

[۲] موزة هایون مسکوکات عناییه قتالوغی، ج (۱)، سکّه نومروسی (۲۷۴)

فاتح مشارالیهک معیت شاهانه‌سندہ بولمغله مباہی طورسون بکک یازدینی
(ابوالفتح) تاریخندہ نظم آتی کوریلور: [۱]

اگر کورسا آتی غازی امور بک دیا اولیانه بوپوتنمہ دن یک
مونال قدرغالر بو اوزره صاسن طاغلر یورر صوا اوزره

جدادن مر بری اولدی نیستان قزل بیراقلردن برکلستان
بو نظم قریم شبه جزیرہ-سندہ کہ (کفہ) قلعه سنک ضبطہ منہی
عزیمت اولان دوتنمای هایون حقندہ سویلمشدر. شلک ایاملرنده
شمیدی کی دوتنمک کوناکون ولونالون بیراقلرله دوناتلدینی طولہ
بانچہ دن قیزاقلرله خلیجہ نقل ایدیلان قایقلرک ذکر اولسان صورتہ
دوناتلش اولسندن اکلشیلور [۲].

قانونی سلطان سلیمان خانک بالذات سفرہ عزیمتلرنده اوکی صرہ
التون چبوقلی یدی سنجاق کشیدہ ایدلدیکی قرہ جلہی زاده عبدالعزیز
افندیکنک سلیماننامہ-سندہ [۳] و سنان جاوشدن نقلاً مورخ ہامہرک
دولت عثمانیہ تاریخندہ [۴] روایت ایدیلور. مصر سفری یاوز سلطان
سلیم خانک صوک سفریدر. قاهرہ-دہ کی اوطاغ هایونلری اوکنہ رکز
ایدیلان سنجاعک بری آق دیکری قرمری رنکدہ اولدینی یوقاریدہ
بالماسبہ یازلمشدی. بلغراد سفریدہ سلطان سلیمان خانک بالذات ادارہ
ایتدیکی ایلک سفریدر. بوسفرہ-استانبولدن واوتجی محارسفرندہ ادرنہ دن
دیدبہ عظیمہ ایلہ چیقلمق تصمیم ایدلش اولمالی کہ پیشکاه هایونلرنده
یدی توغ جکیلوب اول مقدارده سنجاق کشیدہ ایدلمشدر. مذکور
سنجاقلرک رنک و محتویاتی حقندہ برقید صحیح تاریخی بہ دستری اولہ مدم.

[۱] تاریخ عثمانی انجمنی مجموعه سنک اونوز بشنجی جزؤندہ تفرقہ صورتندہ
مطبوع مذکور تاریخ، صحیفہ (۱۶۰)

[۲] تاریخ عثمانی انجمنی مجموعه سی (۲۸) نجی جزئیک تفرقہ-سندہ، ص (۶۶)

[۳] مطبوع سلیماننام، ص (۲۵)

[۴] عطابک ترجمہ سی ہامہر تاریخی، ج (۵)، ص (۲۴۳)

مأمولم بودرکه بری قرمزی دیکری یشیل اولق اوزره ترتیب ایدیلان آلتی سنجاغک وسطنه آق سنجاغ کئیده ایدلشد. وکذا مأمول ایدرمکه عثمانلی اردولرنده بک چوق بیراقلر چکیلرکه ابراز حشمت ودارات ایدلک عادتیده بوزماندن بدأ ایلشد. تفصیلات واشکال ایچون (عثمانلی تشکیلات وقیافت عسکریه سی) نام تاریخنک اوتوزایکنجی صحیفه نه مراجعت ایدلملیدر.

مذکور بدی سنجاغ میاننده لواء حضرت پیغمبرینکده موجودیتی خاطره کله بیلیر. لطفی پاشانک مشهور آصفنامه سنده کی: «محلول اولان زعامتارک هر برلرینی برر صاحب قدرت وشجیع وجور اولان کئیلره ویره محل جنکده لواء رسوالله جوارنده وسائر امورده استخدام لایق اولوب یرابه» فقره سنده [۱] لواء رسول اللهدن مراد آق سنجاقدیر. لواء حضرت نبوینک میدان حربیه ایلک دفعه چیقارلمسی (۱۰۰۳) تاریخنده وقوعبولشد. هانمەر تاریخنده: «حضرت پیغمبره منسوب اولق اوزره معروف اولان ومصر فتحندنبری اورادن مأخوذ آثارک قیمتدارلرندن اوله رق شامده محفوظ بولان لواء سعادت بودفه سوریکچریلری معرفتیه استانبوله کتیرلدی استانبولدن بیک یکچیری محافظه سنده مجارستان حدودنده کی اوردویه کوندردلدی.» دینلیور [۲].

مرآت مکّه تاریخنده: «سنجاغ شریف اوائلده سلاطین مصریه اداره سنده اوله رق شام حکومتی خزینه سنده حفظ اولنوردی عدن آشیان سلطان سلیم خان حضرتلری اقلیم عربی فتح ایلدیکی زمان زیارت ایدوب ینه محلنده محافظه ایدلمسی تصویب بیوردیلر ایسه ده اکثریا محاربه لرده کتیرتلوب مظهر نصر وظفر اولندینی اجلدن سلطان

[۱] مطبوع آصفنامه، ص (۱۱)

[۲] عطا بک ترجمه سی هانمەر، ج (۷)، ص (۱۸۶)

مراد خان ثالث (۱۰۰۳) سنه‌سی خلانده در سعادته کتیر توب خرقه سعادت او طه‌سنه قویدردیلر . « [۱] صورتنده محرردر .

عطا تاریخنده : « سلطان سلیم خان اول حضرتلری مصرک فتحه مظفریتنی متعاقب شریف ابوالبرکات حضرتلرینک تبریک وتودیع بیور دقلری امانات جلیله میاننده رایت جلیله حضرت پیغمبری والویه ابی بکر الصدیق وعمر الفاروقک دخی بولندیغی روایت ایدر [۵] . بوروایت مدنیت اسلامیه تاریخیله سائر تواریخه انتقال ایتشدرد .

امانات مقدسه‌دن امیر ابوالبرکانک کوندر دکلری ایله مصر خزینه سندن آلتانلرک نه لردن عبارت اولدقلری روایاتنک مناقشه‌سنه کیرشیه جکره . یالکز لواء سعادت حقنده اجرا ایلدیکمز تحقیقات عمیقہ وصحیحہ منزی یازم جفرکه بروجہ آتیدر :

کرک پادشاهان عظام کرکه صدور عالی مقام سفره تشریف بیور . دقلرنده خرقه سعادت مثللو لوائ حضرت نبویه کشاد ایدلیه رک بونجه لری ایچنده محفوظ اوله رق کال توقیر ایله نقل ایدیلور یالکز انلرک اردوی همایونده بولملری وسیله حنه‌سیله روحانیت پیغمبریدن استمداد ایدیلوردی .

یکیکچریلکک الفاسی حاکی اس ظفردہ : « واصل اولدقلری حالده اول سروسر سبز کلستان ظفر یعنی لواء خضره حضرت سید البشر صلی الله تعالی علیه وسلم ماشعش القمری خرقه شریفه او طه‌سنده الی اخره » یازلمشدر [۳] . تواریخ اسلامیه ده لواء سعادت احتوائ حضرت پیغمبری بیاض وسیاه رنگلرده اولدقلری محرر اولوب بویله یشیل

[۱] مرآت‌الجرینک مرآت مکة قسمنده ص (۶۷۴)

[۲] عطا تاریخی ج (۱) ص (۲۵۴)

[۳] مذکور تاریخ، ص (۸۰)

رنکلیسی بولمندی میثلو خرقة سعادت دائرة فاخره سنده محفوظ اولان
لواء سعادتده یشیل دکل سیاه رنکلیدر .

سردارلرک سنجاق آللری حقنده کی قانون عیناً درج اولنور :
وزیر اعظم حضرتلری رکاب هایوندن مفارقت و سردارلقله اعدای
دینک اوزرینه عزیمت ایتک لازمکله سلیمی و منته کورکلی سراسر
و قمرمی قطیفه شلوار ایله حضور هایونه کلوب رویمال ایلر اول ساعت
مواجهه سلطانیده مزید عنایت خسر و انیدن سلیمی اوستنه ایکی قطعه
مرصع طوبلو سرغوجلر وضع اولنور و کورکلی و سنده ایکی خلعت
فاخره کیدیریلور و سنجاق شریفی بالذات شوکتلو پادشاه عالمانه حضرتلری
کندی مبارک اللری ایله تسلیم و دعای خیر ایله تکریم ایدر اولدخی سنجاق
شریفی اوموزینه آلوب باب السعاده دن چیقاروب سنجاقداره ویرر
اما سردارلق صدر اعظم حضرتلرندن غیری بر وزیر ویرسه سرغوج
طاقلمز و سنجاق تسلیم اولمز [۱] .

سردار اولان صدراعظملرک اوموزلرینه آلوب طشره چیقارقلری
سنجاق شریف لوائ عالی عثمانی اولان آق سنجاقدار . قانوننامه دن
اکلاشلدینی اوزره سائر سردارلره ویرلیوب انلر کندولرینه مخصوص
وزیر سنجاقلریله سفره کیدرلردی .

اولجه شکلی قونیان وزیر سنجاغنگ اورتیسی قمرمی رنکلی
حریردن منوج در . بوقسک حدودی ایله وسطنه قریب کوریلان
متحدالمرکز اوج دائرة صیرمه ایله ایشلمشدر . مذکور قمرمی رنکلی
قسم ایله سنجاغنگ کناری آره سنده کی قسم یشیل رنکلی حریردن اولوب
اطرافی کذا صرمه ایشلمشدر . (عثمانی تشکیلات و قیافت عسکریه سی)
نام تاریخده وزیر سنجاقلرینک برطاقنده کلمه مبارکه شهادت و یاخود

[۱] ملی تمیملر مجموعه سی، صایی (۳)، ص (۵۰۰) عثمانی قانوننامه لری.

توحید و برطابقندہ بعض آیات کریمہ ایشلندیکی روایت ایدلمکدہ در [۱].
 بوسنجاغک شکلی قونت دومارسیغلینک تاریخنندن آلتمش ایسہ اول
 زماندرده وزیر سنجاغنه سرعلم اوله رق ماہجہ قوتلق عادت ایدی . سلطان
 مراد رابع عہدندہ بوسنہ والیسی اولان دوجہ پاشا حقندہ ہامہر
 تاریخنک بر روایتی بونی بڑہ اوکرتیر : د امرا آرہ سندہ جاری اولان
 برزعمہ کورہ بیراق دیرکنک اوزرندہ کی ہلالی تبدیل ایدن والی عزل
 اولنہ کلدیکندن دوجہ پاشادہ امیدعزل ایلہ علمک ماہجہ سنی دکشدیرمش
 ایدی [۲] . وزیر سنجاقلرینک تعریف و توصیف ایدیلن رسم و شکلی
 نہ زماندن ابتدا ایدلکی معین دکلدہر . سلطان سلیمان خان اول زمانندہ
 وزیرلرک قرمزى سنجاق کشیدہ ایدلکری زبردہ کی روایتدن آکلہ
 شلمقندہ در : د مقدا جنتسکان سلطان سلیم خان حضرتلری مصردہ ایکن
 دارالخلافتہ الجلیلیہ معاودت ایتش اولان سنان پاشا نصوص پاشانک یرینہ
 کوندردلیدکندن سنہ مرقومہ جاذی الاولینک اون آلتینسندہ احتفالات
 ایلہ استقبال اولنوب خیرہ بای طرفندن کوندریلان مذہب حاشیہ لی
 حیوانہ را کب وزر دوز خفتانی لابس اولدینی ومیستندہ اولان یوز قدر
 کولہ سیلہ ہاشندہ ایپکدن قرمزى لوای عثمانی چکدیکى حالہ باب البحرندن
 قاهرہ یہ کیرمش .. [۳]

ایلک دفعہ اورخان غازینک حرب سنجاغہ کچیریلان اوچ ہلال
 نقشی سلطان سلیم خان ثالث عہدینہ قدر بری و بحری عسکر سنجاقلریلہ
 اماکن امیریہ وسفائن تجاریہ یہ کشیدہ ایدیلان وایجاب ونظامہ کورہ
 بر ویا ایکی نہایت اوچ ہلال نقشی حاوی اولان سنجاقلردن طولایی
 شکل مزبور آور وپالیر تزدندہ دخی دولت علیہ عثمانیہ نک نشان وعلامتی

[۱] مذکور تاریخ، ص (۳۹)

[۲] عطا بلک ترجمہ سی - ہامہر، ج (۹)، ص (۲۸۱)

[۳] آفریقا دلیل، ص (۶۸۷)

اوله رق طایندینی اولجه یازلمشیدی . سلطان احمد خان ثالث زمانده پارسه سفارتله کیدن یکریمی سکرز چلبی محمد اقدینک سیاحتنامه سنده « بوشانده آتی کوردککه بریاض شعله دن برسپا ظاهر اولوب اوزرنده بر شکل هلال هویدا و آنک اوستنده بر تاج پیدا اولدی بونلر هر بر ملکه بر کونه علامت اشارت ایدر لر مش بزم پادشاهمیزک علامتی قر ایمش بزه ارأت ایچون اول شکل ساخته ایتملر ویمین و یسارنده عظیم انواع فشنگ شلکری اولوب ایکی ساعت سیر و تماشای اولندی » [۱]. شوققره تاریخنجه دن هلاک فرانسه ده دخی نشان دولت اوله رق شایع اولدینی آکلشادینی مثللو سلطان مشارالیه زمانده هنوز بایراقلر مزده کی هلاک یانته ییلدرز قولدیغیده اوکره نیلمکده در .

آی ییلدرز نقشک قنی سنده و نه سیبله قبول ایدلکی حقنده تاریخلر مزده بر فقره به تصادف ایده مدم . ظن عمومی سلطان سلیم خان ثالث عهد همبونلرنده اولوق اوزره در . معلوم اولدینی اوزره (۱۲۰۹) سنسی لوند چفتلکنده نظام جدید عسکری تأسیس بیورلمشیدی . مذکور عسکرلر یکبچری و سائر کبی باشلیجه بر اوجاق اولیه رق حسب الایجاب بوستانچی اوجاغنه مربوط ایدیلر . بونلرک بهر اورطه سی اون ایکی بلوکی حاوی اولوب هر بلوکده ده بر علمدار بولندیغنه نظراً بر اورطه ننگ اون ایکی بایراغی وار ایدی . ظن عاجزانه بجه ایلك دفعه آی ییلدرز نقشی بالذات سلطان سلیم خان حضرتلرینک تنیب و اراده لر یله بوبایراقلره وضع ایدلدی [۲] . سلطان مشارالیه حقنده وقعه نویس عاصم اقدی تاریخنده : « همیشه اعلائی لوای غزای و جهاد پیشه سی و تخذیل اعداد اشارر بد نهادک اندیشه سی اولمقله دائماً تنظیم ادوات جنگ و محاربه و تقویت اسباب آلات مناسبه قیدنده اولوب اکثری آثار طبع هندسه کاری

[۱] راشد تاریخی ، ج (۵) ، ص (۳۶۷)

[۲] جودت باشا تاریخی ، ج (۵) ، ص (۴۴۹)

و طرح ذهن سخاریاری ایدی ظرافت و تراکت طبعندن ناشی هندسه و ترسیم و تجسم دقیقه لرنده قوه متصوره لری خورده بند و نیرنگ و تصویر لری مانی پسند ایدی، دیمکده در [۱]. یالکز شویانات روایت مذکورہ بی تصدیقہ برهان اولہ ییلور. بناءً علیہ تاریخ مزبور دن صکرہ دہ آی ییلدی زلی آثار رونما اولنہ باشلامندر .


مسکوکات اسلامیہ مورخی غالب بک مرحوم (تقویم مسکوکات عثمانیہ) سنده (۱۲۱۶) سنہ ہجریہ سنہ مصادف (۱۸۰۱) تاریخ میلادیندہ مصر وقعہ سی اوزربنہ طرف سلطان سلیم خانیدن اورادہ بولنش عساکر عثمانیہ ایلہ انکترہ دولتی امرا و ضابطان و نفرات بریہ و بحریہ سنہ توزیع و اعطا بیورلق اوزرہ ایکی وجہنک اطرافنی فرنک باغی و چیچکلی صوابلہ محاط وجہنک وسطندہ طغرای ہایون وزیرندہ (۱۸۰۱)، ظہری وسطندہ دہ کیر آی ییلدیز منقوش اوللق اوزرہ اوچ نوعی آلتون و اوچ نوعی کوشندن معمول مدالیہ لر تعریف و بیان ایلرکہ روایات واقعہ کورہ بونلرک عومندہ (ہلال) نامی و بریلور ایش . بومدالیہ نک مذکور کتابدہ فوطوتیہ اصولی ایلہ مطبوع شکلیدہ کوریلور [۲]. عہد مشارالہدہ رسمی مدالیہ لرہ آی ییلدیز نقشک کچیرلسی مذکور نقشک ہلال مقامنہ قبول بیورلش اولدیننی اثباتہ کافی دلیل مادیدر .

خریطہ لی بر جغرافیہ کتابنک متنی ایلہ خریطہ لری آردہ سندہ کی صحیفہ سندہ سنجاقلرہ آرمہ واری ترتیب ایدیلان بر شکلک اورنہ سنہ خریطہ لرک (۱۲۱۸) سنہ سی بارادہ سنہ اسکداردہ کی مطبعہ عامرہ دہ طبع ایدلایکی تحریر ایدیلوب اوست طرفندہ طغرای ہایون وضع ایدلشدر . مذکور شکلی احداث ایدن سنجاقلرہ دہ آی ییلدیز نقش

[۱] عاصم تاریخی ، ج (۲) ، ص (۲۱۴)

[۲] تقویم مسکوکات عثمانیہ ، ص (۴۸۵)

کوردیلور . [۱] طغرای هایونی حاوی اولسنه نظر آ رسمی صورتله طبع ایدلش برکتاب اوله جفتدن بوده بروئیقه دیگر تشکیل ایدر . (۱۲۲۳ سنه سی ضرب ایدلش بر آلتون مدالیه نك فطوغرافیبی زیره قولشدرد



کمال تدرندن و حاوی اولدینی تاریخ و نقوشدن استدلال ایدیلورکه : بومدالیه لرسلطان محمودخان ثانی حضرتنك جلوس هایونلرنده . برارلقلری کوریلانلر ایله مشهور اتفاق سندینی تمهیر ایدن ذوات محدوده اهدا بیورلشدرد . فقط سبب ضربی مذکور تاریخه قدر پادشاهان سالفیه مخصوص تاریخنی آق سجاعه بدل مدالیه نك وجه وظهرنده کوریلان نقوشی حاوی سجاعنك قبول بیورلش اولسیدر . چونکه مدالیه نك وجهنده کوریلان طغرای هایون و نقوش ، قرمزى اوزرینه بیاض رنگلی اوله رق الیوم پادشاهمه مخصوص لوای شاهانه ده مشاهده ایدیلورکه جنتمکان سلطان محمود خان حضرتلرینه قدر اولان پادشاهلر مرکزده سنجاقلری بویه ایدی . ذات حضرت پادشاهی رکوب هایونلرینه مخصوص واپوره راکب اولدقلرنده غراندی دیرکنه خاندان آل عثمانک آرمه سی دیمک اولان طغرای هایونی حاوی و مدالیه ده کی نقوشی محتوی قرمزى

[۱] کتابك اسمی (الرسالة العجیبة المسمى بالمعجالة الجغرافیه) در . استانبوله

(ملت کتبخانه سنده) موجوددر .

رنکلی سنجاق و قیچ کوندربنده مدالیه‌نک ظهرنده کوردیلان و دولت علیه‌لرینک نشانی اولان آی ییلدیز نقشی حاوی کذا قرمزی اوزرینه بیاضله ایشلمش اولان سنجاق کشیده ایدیلور . ذات شاهانه حربیه طوبخانه و ترسانه کبی دوائر عسکریه‌لرندن برینی تشریف بیوردقلرنده بیراق قله‌لرینه مدالیه‌نک وجهنده کی طغرالی سنجاق کشیده ایدلک نظامدر . بوحالده پادشاهان عظام سالفه‌مزه مخصوص آق سنجاق آنجق (۱۲۳۳) سنه‌شدن اعتباراً تبدیل لون ایلدیکی و مذکور مدالیه‌نکده بالخاصه بوسیله ضرب ایدلمش اولدینی واضحاً اکلاشیلور . لطفی اقدی تاریخنده سلطان محمود خان ثانی حضر تلرینک (۱۲۴۲) سنسی وقوعاتی میاننده بوجه آتی روایت و خاطره محرردر [۱] .

«مقدما قلاع شاهانه و بعضی اماکن میریه‌ده کشیده قلنان دولت علیه نشانه بیراق تسمیه اولنوردی . فبایعده اورتلرینه آی ییلدیز شکلی قونیلهرق سنجاق تسمیه‌سی عموماً اطرافه تنیه اولندی . (خاطره مورخ) : بیراق تعیری یکجیری اصطلاحاندن اولسی مطالعه‌سیله اشو تنیه اولتمش ظن اولنور . زیرا بیراقدار یکجیریلره مخصوص عنوان اولدینی تأیید مدعی ایدر .

بنه سلطان مشارالیهک یکجیرینک الفاسندن صکره تأسیس و تشکیل ابتد بدکلری عا کر محمدیه‌نک تعلیملرینی تماشاً بیورمق اوزره اسکی سرایی تشریفلری حقنده عزت منلابلک اس ظفردم مندرج منظومه‌لرندن برقطعه‌سی بالمناصبه بورایه نقل ایدلمشدر [۲] :

وجود شوکتی مه عسکری انجمندر اول شاهک

ایدر آی ایله ییلدیز رسمی دنیا به بو ایمانی

[۱] تاریخ لطفی - ج (۱)، ص (۲۴۰)

[۲] تاریخ مذکور - ص (۱۹۹)

بورایه قدر ارانه واشعار ایدیلان مادی و تاریخی و ناهه نظراً
جتمکلان سلطان محمود خان ثانی زماننده کی عموم سجاقلمده دخی آی
ییلدیز نقشی بولندیقی تصدیق ایدیلور .

سلطان عبدالمجید خاتک سنة جلوسلری اولان (۱۲۵۵) سنه
دخی آی ییلدیز نقشی قوللانلندیقی بدر جتمقرلری ایچون انشاابتدیر.
دکلیری تربه نغسه نك تزینات خارجیسی میانده وحتی علمنده دخی
نقش مزبورک کورلمسلیله تابندر .

ترسانه عامره بی تشریفلمده استراحتلرینه مخصوص انشا ایدلش تخت
هایونک ارقه سنده کی آی وییلدیز نقشیده بونی مؤیددر [۱]. انجیق قدیم
مکوکات سنیه اوزرنده کی زینت ییلدیزلری آلتی [۲] و ایلک آی ییلدیز
نقشلی سجاق و بیراقلریمز اوزرنده منقوش ییلدیز نقشلری سکر شعالی
ایکین [۳] سلطان مشارالیهک بشنجی سنه جلوسلرنده اجرا بیوریلان
تصحیح عیار سکه اوزرینه تداوله چیقاریلان آلتون وکوش سکلرده کی
ییلدیز نقشلری بش شعالی اوله رق ضرب ایدلش اولدیفته نظراً
سجاقلمده کی ییلدیزلرکده بوکونکی کبی بش شعالی رسم ایدلسی مذکور
تاریمچدن اعتباراً باشلادیقی اکلایلور .

رسمی وخریطه لی عثمانلی تاریمچنده و محمود شوکت باشانک (عثمانلی
تشکیلات و قیافت عکریه سی) نام تاریمچنده [۴]، بونلردن نقلاً مدنیت
اسلامیه تاریمچنده : « شمدی بیراقلریمزده هلاک اورتیه سنده کی
ییلدیزه کلنجه اسکی دکلدر . سلطان عبدالمجید خان زماننده (تنظیمات
خیریه) دن سکره قبول ایدلشدر » دنیلیمکده درکه طوغری دکلدر .

[۱] بحریه موزمسی فنالوخی (۳۶۲) نومرولنک ذبلده کی فطوغرافیا سنده

[۲] تاریخ عثمانی انجمنی مجموعه سی - جزء (۴۱)، ص (۳۰۵)

[۳] براز یوقاریده رسمی قونیلان سلطان محمود خاتک مدالیسی ظهریه باقیکر .

[۴] مذکور کتاب - ص (۴۱)

بلکہ بروایت سلطان مشارالہ زمانندہ آلتی شماعلی ییلدیزلرک بش
شماعلی اولہرق تمدیلندن غلط اولہ کرکدر .
میرآلابقدن متقاعد

علی

سوک